

փարնեի մարմնացման մեծ դար. մարմնացման՝ աշխատաւոր ձեռքերի և ճակատների շնորհիւ և դորա արշալոյսն է, որ սկսում է բացուել տանջուած Ռուսաստանից մարդկութեան տանջուած բոլոր զաւակների վրայ, իսկ ձեր թագաւորութիւնն անդառնալի, աւանդ, անդառնալի անցաւ:

Ե. Տ. Վ. Մ.

### ՎՐԱՑԵՐԷՆԻՑ

Օ՛, սիրելիս, սև խաւարը  
Երբ պատում է սար ու ձորեր,  
Երբ տնջում են երկինք, երկիր,  
Աչքից թափում դառն արցունքներ,

Երբ սպառում է կենդանի շունչ,  
Կեանքը ծածկում սգոյ քողով.  
Սղմում, ճանկում կլանելու,  
Նայում կրակով լի աչքերով.

Մի վախենար, այդ բոլորը  
Արդասիք է ժամանակի.

Կանցնի, ինչպէս շատ տեղերում,  
Բաւ է, նա էլ կը բարակի.

Նեղութիւնը մեղ չի յաղթիլ.

Միշտ արթնացնում է տանջանքը.

Որչափ ուժգին խփես կայծքարին,

Այնչափ ուժեղ կը տայ կրակը.

Ահեղ քամուց ծովն ուռչում է,

Ալեկոծւում, սփին զարկում.

Երբ զայրագին որոտում է,  
Երկինք շատ է փայլատակում:

Ա՛հ, տեսնում ես, իմ սիրելիս,  
Երկնից վրայ ճաճանչ փայլեց.  
Սարեր խոնարհ օղջունեցին  
Ազատ կեանքի լրաբերին:

Այդ ճաճանչը ուժով լի է,  
Որ խաղում է լեռան գլխին.

Նա վերջ կը տայ սև խաւարի  
Խեղդող, սպանիչ կոհակներին:

Տես, խաւարում այդ ճաճանչի  
Լոյսն ածում է, պայծառ դառնում.

Ջերմութիւն զգաց շրջակայքը.

Յուրաք վանուեց, էլ չի սառցնում:

Դէհ, տեսնում ես, ազնիւ ընկեր,

Երկնքումը շողքը փայլեց,

Ողջոյն քեզ, ո՛վ աւետարեր.

Ողջոյն, բեր մեզ, ազատ կեանք բեր:

